

vnd Blumen die dir bekant sind / vnd zeuch von ihnen auß die 4. Element / mit solcher weiß oder gestalt: Nimb von den vorgesezten Kräutern einen guten theil / aber einer so viel als der ander / vermeng sie durch einander / vnd stoß sie ganz klein vnd thue sie in das Philosophisch Gefes / vnd zeuch von ihnen auß die 4. Elementen: Erstlichen das Wasser / zum anderen das All / zum dritten das Fewr / so wirdt dir das Element der Erden / im Grund oder Boden des Gefesses bleiben / die stoß oder reib auff das aller kleinst / vñ geuß sein jez außgezogen Wasser wider darauff / vnd distillier oder zeuche das Wasser wider daruon wie zuuor geschehen ist. Dise distillation oder Supplimation soll sieben mal geschehen / 2c.

Nemblichen also sieben mal / die Todten auffzuwecken oder steigen machen / das ist / sieben mal durch die auffsteigung töden vnd sieben mal durch die widersteigung lebendig machen / dann da der Vatter Hermes / dieser Kunst erfinder gefragt ward / wellichs der anfang vnd erst Werck dieser Kunst were. Da antwortet er vnd sprach / du solt die Todten sieben mal aufferweckē oder erhöhen oder machen auffsteigen / vnd die lebendigen wider niedersteigen lassen / so wirstu haben das jenig so du suchest vnd begerest / dann es ist als dann ganz vnzertheilig eines jeglichen Krafft / in die ander verwandelt / vnd ist ein veste vnd beständige verbündnuß gemacht des Breutigams vnd der Braut / nemblichen / des Wassers vnd des Mels / vnd in diesem Grad / erlangt dieses Wasser des Lebens / sieben Quintel Essentias, das ist / siebenfaltig das fünffte wesen / dan es trincket in gemelten sieben Supplimierungen oder Distillierungen / alle Naturen / Wesen vnd Leben der vorgenannten Kräuter. Darnach soltu diß ehrwürdig Wasser / welches ein Brunn des Lebens genannt wirdt / zwey oder drey mal / für sich allein an seine Erden oder Hepffen Supplimieren / das ist distilliert / vnd alle vnreinigkeit vnd faulkeit / so es in einer jeden Reblimation hinder sich verlaßt / soltu hinweg thun. Nach diesem soltu es abermals ganz senfftiglich vnd langsam mit mittelmessigem Fwur treiben / so lang bis die Wässerige Substanz / ganz vnd gar herüber gezogen ist / dieselbig soltu allein vñ besonder in ein reinen Glas wol verstopfft behalten / dann es hat viel trefflicher Krafft vnd Tugendt. Weñ
nimb